



საქართველოს მთავრობის გ ა ნ კ ა რ გ უ ლ ე ბ ა

N 1366 2024 წლის 20 სექტემბერი ქ. თბილისი

„2024 წლის რთვლის ორგანიზებულად ჩატარებისათვის
განსახორციელებელი ღონისძიებების შესახებ“ საქართველოს მთავრობის
2024 წლის 14 ივნისის №873 განკარგულებაში ცვლილების
შეტანის თაობაზე

1. საქართველოს ზოგადი ადმინისტრაციული კოდექსის 63-ე მუხლის შესაბამისად, „2024 წლის რთვლის ორგანიზებულად ჩატარებისათვის განსახორციელებელი ღონისძიებების შესახებ“ საქართველოს მთავრობის 2024 წლის 14 ივნისის №873 განკარგულებაში შეტანილ იქნეს ცვლილება და განკარგულების:

ა) მე-6 პუნქტი ჩამოყალიბდეს შემდეგი რედაქციით:

„6. ა(ა)იპ – სოფლის განვითარების სააგენტომ უზრუნველყოს მის მმართველობაში არსებული შპს „მოსავლის მართვის კომპანიის“ (ს/ნ: 405406109) მიერ 2024 წლის რთვლის პერიოდში ჭარბი/დაზიანებული ყურძნის, მათ შორის, კახეთის რეგიონში მოწეული რქაწითლის არანაკლებ

1,00 ლარად, ხოლო საფერავის არანაკლებ 1,5 ლარად მიღება-გადამუშავებისათვის აუცილებელი ღონისძიებების გატარება და საჭიროების შემთხვევაში – შესაბამისი საკრედიტო რესურსების მოძიება საფინანსო ინსტიტუტებიდან.“;

ბ) მე-7 პუნქტი ჩამოყალიბდეს შემდეგი რედაქციით:

„7. „საქართველოს 2024 წლის სახელმწიფო ბიუჯეტის შესახებ“ საქართველოს კანონით გათვალისწინებული მევენახეობა-მეღვინეობის განვითარების პროგრამის – „რთველის ხელშეწყობის ღონისძიებების“ (პროგრამული კოდი: 31 03) ქვეპროგრამით (პროგრამული კოდი: 31 03 05) გამოყოფილ ასიგნებათა ფარგლებში, მევენახეობის სფეროში დასაქმებული ფიზიკური პირების ან/და სასოფლო-სამეურნეო კოოპერატივის სტატუსის მქონე იურიდიული პირების (შემდგომში – ყურძნის ჩამზარებელი) მიერ მიღებული ყურძნის მოსავლის რეალიზაციის ხელშეწყობის მიზნით, სააგენტომ უზრუნველყოს:

ა) ყურძნის ჩამზარებელი ფიზიკური პირებისგან კახეთის რეგიონში მოწეული 1 კგ რქაწითლის ჯიშის ყურძნის შესყიდვის სანაცვლოდ ღვინის კომპანიებზე, გარდა სახელმწიფო საკუთრებაში არსებული კომპანიისა, სუბსიდიის გაცემა 0,20 ლარის ოდენობით;

ბ) ყურძნის ჩამზარებელი ფიზიკური პირებისაგან ან/და სასოფლო-სამეურნეო კოოპერატივის სტატუსის მქონე იურიდიული პირისაგან, რაჭა-ლეჩხუმისა და ქვემო სვანეთის რეგიონში, ხვანჭკარის მიკროზონაში მოწეული 1 კგ ალექსანდროულის ან/და მუჯურეთულის ჯიშის ყურძნის შესყიდვის სანაცვლოდ ღვინის კომპანიებზე (მათ შორის, სახელმწიფო საკუთრებაში არსებულ კომპანიაზე) სუბსიდიის გაცემა 4,00 ლარის ოდენობით;

გ) სუბსიდიის გაცემა, ვენახების ერთიანი კადასტრის ამონაწერში აღნიშნულ იმ მევენახე ფიზიკურ პირებზე, რომლებმაც სააგენტოს რთველის აღრიცხვის ელექტრონულ ბაზაში არსებული მონაცემების თანახმად 2024 წლის 14 სექტემბრამდე კახეთის რეგიონში მოწეული 1 კგ საფერავის ჯიშის

ყურძენი ჩააბარეს 1,5 ლარზე ნაკლებ ფასად, ჩაბარების ფასსა და 1,5 ლარს შორის სხვაობის ოდენობით.“;

გ) მე-11 პუნქტის:

გ.ა) „ბ“ ქვეპუნქტი ჩამოყალიბდეს შემდეგი რედაქციით:

„ბ) 2024 წლის რთვლის განმავლობაში შეისყიდის და გადაამუშავებს კახეთის რეგიონში მოწეულ არანაკლებ 100 (ასი) ტონა რქაწითლის ჯიშის ყურძენს, ხოლო რაჭა-ლეჩხუმისა და ქვემო სვანეთის რეგიონში, ხვანჭკარის მიკროზონაში – არანაკლებ 3 (სამი) ტონა ალექსანდროულის ან/და მუჯურეთულის ჯიშის ყურძენს;“;

გ.ბ) „გ“ ქვეპუნქტის შემდეგ დაემატოს შემდეგი შინაარსის „გ¹“ ქვეპუნქტი:

„გ¹) შესყიდული 1 კგ ალექსანდროულის ან/და მუჯურეთულის ჯიშის ყურძნის სანაცვლოდ ყურძნის ჩამბარებელს გადაუხდის არანაკლებ 8,00 ლარს;“;

გ.გ) „დ.ბ“ ქვეპუნქტის შემდეგ დაემატოს შემდეგი შინაარსის „დ.გ“ ქვეპუნქტი:

„დ.გ) ყურძნის ჩამბარებლისთვის ალექსანდროულის ან/და მუჯურეთულის ჯიშის 1 კგ ყურძნის შესყიდვის სანაცვლოდ არანაკლებ 8,00 ლარის გადახდის დამადასტურებელ დოკუმენტაციას.“;

დ) მე-12 პუნქტი ჩამოყალიბდეს შემდეგი რედაქციით:

„12. იმ შემთხვევაში, თუ ღვინის კომპანიას არ აქვს დასრულებული ყურძნის მიღების პროცესი და სააგენტოსათვის წარდგენილ განზრახვაში დაფიქსირებული აქვს არანაკლებ 100 (ასი) ტონა ყურძნის – რქაწითლის ან/და არანაკლებ 3 ტონა ალექსანდროულის ან/და მუჯურეთულის მიღების შესახებ ინფორმაცია, მას უფლება აქვს, მიიღოს სუბსიდიის თანხა,

რისთვისაც ღვინის კომპანია ვალდებულია, 2024 წლის რთვლის მიმდინარეობის პროცესში წარადგინოს „საქართველოს ეროვნული ბანკის შესახებ“ საქართველოს ორგანული კანონის შესაბამისად კომერციული ბანკის მიერ სააგენტოს სასარგებლოდ გაცემული საბანკო გარანტია (ბენეფიციარი – სააგენტო), რომლის ოდენობაც 10%-ით უნდა აღემატებოდეს ღვინის კომპანიის მიერ მისაღები სუბსიდიის თანხას.“.

2. განკარგულება ძალაშია ხელმოწერისთანავე და ვრცელდება 2024 წლის 13 სექტემბრიდან წარმოშობილ ურთიერთობებზე.

პრემიერ-მინისტრი



ირაკლი კობახიძე